

Općinski sud u Bugojnu, stručni saradnik Amela Agić, u izvršnom postupku tražioca izvršenja IQR d.o.o Sarajevo (raniji naziv Heta d.o.o. Sarajevo, a ranije Hypo Alpe Adria Leasing d.o.o Sarajevo) zastupano po Edini Jahić i Sanji Bećirović-Zijadić, advokatima iz Sarajeva, protiv izvršenika VRBAS d.d. Donji Vakuf, ulica 770. Slavne brdske brigade bb, koje po punomoći zastupa advokat Mesud Duvnjak iz Bugojna, radi izvršenja na pokretnim stvarima izvršenika, vrijednost spora 602.028,38 KM od dana 17.05.2022. godine donio je sljedeći :

ZAKLJUČAK O DRUGOJ PRODAJI POKRETNIH STVARI

I

Prva prodaja pokretnih stvari izvršenika, označenih u stavu **II** ovog zaključka oglašava se neuspjelom.

II

1. Određuje se druga prodaja pokretnih stvari izvršenika:

- telefonska centrala ISKRA PRINS, 52 telefona, ukupna vrijednost 50.000,00 KM,
- kotlovnica sa sistemom centralnog grijanja, ukupna vrijednost 100.000,00 KM,
- oprema klimatizacije i ventilacije, ukupna vrijednost 80.000,00 KM
- TV centrala, satalitska oprema, kablovska televizija+40 TV aparata, ukupna vrijednost 20.000,00 KM,
- oprema recepcije (dvije fotelje, dva računara, faks, pult i kompletan uredski materijal) ukupna vrijednost 60.000,00 KM,
- aperitiv bar, slastičarna i kafan oprema (kožne garniture, šank, vitrine za kolače, 350 stolica i 200 stolova) ukupna vrijednost 70.000,00 KM,
- kuhinjska oprema (rosfrajni stolovi, električni špareti, peći, frižider, mašine za sječenje mesa) ukupna vrijednost 100.000,00 KM,
- sobe-namještaj komplet, 36 komada (namještaj, ležajevi za spavanje, plakari i sva oprema u kupatilima, ukupna vrijednost 150.000,00 KM.

putem usmenog javnog nadmetanja koje će provesti sudski izvršilac, na adresi gdje se pokretne stvari nalaze, tj. Donji Vakuf, ulica 770. Slavne brdske brigade bb, na dan 15.06.2022. godine u 09:30 sati.

2. Konstatuje se da je vrijednost pokretnih stvari iz tačke 1. ovog zaključka utvrđena na osnovu procjene sudskog izvršitelja.
3. Pokretna stvar iz stava II ovog zaključka može se prodati bez ograničenja cijene, a ne u bescijenje.
4. U javnom nadmetanju kao kupci mogu učestvovati samo osobe koje su prethodno dale osiguranje, koje iznosi 1/10 utvrđene vrijednosti pokretne stvari koja je predmet prodaje, s tim što ne može iznositi više od 10.000,00 KM. Osobe koje sudjeluju u javnom nadmetanju dužne su prije početka ročišta sudu predati dokaz o uplaćenom osiguranju. Osiguranje se polaže na depozitni račun Općinskog suda u Bugojnu br. 1011300000295629 kod Privredne banke Sarajevo, sa naznakom broja predmeta.
5. Ponuđač s najvećom ponudom dužan je platiti cijenu odmah nakon objavljivanja rezultata ročišta za prodaju. Ako to ne učini, drugi ponuđač bit će proglašen kupcem i dužan je platiti cijenu koju je ponudio i tako redom.
6. Ako se stvari ne uspiju prodati na drugom ročištu, sud će u smislu odredbe člana 131. stav 5. Zakona o izvršnom postupku ("Sl. novine FBiH" br. 32/03, 52/03, 33/06, 39/06, 39/09, 35/12 i 46/16) obustaviti postupak.
7. Ovaj zaključak o prodaji bit će objavljen na oglasnoj tabli suda, a tražilac izvršenja može ga objaviti i u javnim glasilima o svom trošku.

Stručni saradnik
Amela Agić

Pouka o pravnom lijeku:

Protiv ovog zaključka nije dopušten pravni lijek.